

nōwāgwān iwiti, kunimā gayā nowāndā nibowāgwān," udigōn
 ō'kumisañ. "Midāc iwiti ayāt a mañidō; ājini'kāsut Kāteci-
 kika'ā'nk-uka'kwāñ, mi'ā'nint mi a'panā ājiti'gika'ā'nk i"
 uga'kawāñ, inā. Kicpin awiya ijāt iwiti ayābi'ta iji'ā'wāng
 5 mītabwāwā'ā'ng uga'kwan," udināñ.

"Ō!" udigōn ōjisāñ. Midāc kägā't kicāndāñk Nānabucu,
 ināndām wi'jāt. Midāc ānāt ō'kumisañ: "Pō'te nīngana-
 tawābamā," udināñ. Midāc Nānabucu minawā kā'i'ji'u'jītād
 minawā ki'u'ci'tōd usawāññ, nisugun mini'k tei'ā'bāteci'tōd
 10 ugi'ji'u'jītōññ. Midāc kā'kici'tōd minawā Nānabucu
 māmadāsītōt utci'mānic. Midāc mādcāt Nānabucu kwaya'k
 kā'i'nināmāgut ō'kumisañ. Ninguting dāc kiwāⁿ Nānabucu
 anibābimiskāt, cigwa kägā't kägō onōndām kwaya'k ājāt.
 Āji'agwamut āndutāñ; cigwa kägā't onōndāñ. "Tāⁿ tāⁿ,"
 15 inī'tām. Mic ānāndāñk: "Na'! mi'i'we nō'kumis kā'i'jit,"
 ināndām. Midāc kägā't mādcāt ānigu'k. Nānabucu ku-
 mā'pī minawā nandutām cigwa minawā onōntām. "Twāⁿ
 twāⁿ, twāⁿ,"¹ inī'tām. Nawatc pācutāgwa'tini. Minawā
 mādcāt ānigu'k.

20 Ningutingigu minawā anī'ayinābit, kägō owābandāñ uni-
 gāñimi; intigu kägō pāmipācibi'igātāg; midāc ayinābit,
 "Mimāwīñ 'i'i'u' cayigwa tayābināgwa'k minis ājāyāñ,"
 ināndām. Midāc kägā't ānigu'k pimiskāt. Kumā'pidāc

¹ Uttered with a slow, deep, nasal voice.